

1 декабря 2013 гóда. Недéля 23 по Пятидесáтнице. Глас 6
Мúчеников Платóна и Ромáна.

ВСЕНО́ЩНОЕ БДÉНИИ. КАНО́Н:

ПЕСНЬ 1:

КАНО́Н ВОСКРÉСНЫЙ, ГЛАС 6:

Ирмóс: Я́ко по сýху, пешешéствовав Изрáиль/ по бездне стопáми,/ гонителя фараóна/
вída потопля́ема,/ Бóгу/ побéдную песнь// по́йм, вопия́ше.

Припев: Сла́ва, Гóсподи, свято́му Воскресéнию Твоему́.

Тропа́рь: Распростéртыма длáньма на крестé,/ отéческаго испóлнил еси́ благоволе́ния, бла-
гий Иисýсе, вся́ческая.// Тэмже побéдную песнь Тебé вси по́йм.

Припев: Сла́ва, Гóсподи, свято́му Воскресéнию Твоему́.

Тропа́рь: Стрáхом к Тебé, я́ко рабýня, смерть/ повелéна приступи́ Влады́це животá,// то́у
пода́ющему нам безконéчный живóт и воскресéние.

Припев: Пресвятáя Богорóдице, спаси́ нас.

Богорóдичен: Своегó приéмши Содéтеля, я́ко Сам восхотé,/ от безсéменнаго Твоегó чрэва, пáче умá
воплоща́ема, Чистая,// твáрей войи́стинну явилáся еси́, Влады́чица.

КАНО́Н БОГОРÓДИЦЫ ВОСКРÉСНЫЙ, ГЛАС 6:

Припев: Пресвятáя Богорóдице, спаси́ нас.

Тропа́рь: Суди́лищу Пилáтову предстои́т хотя́/ беззакóнному суду́, я́ко суди́мь, Судия́,/ и от
руки́ неправды по лицу́ заушáется Бог,// егóже трепéщут земля́, и небéсная.

Припев: Пресвятáя Богорóдице, спаси́ нас.

Тропа́рь: Простéрл еси́ божéственней длáни Твой, Спа́се,/ на пречи́стем Твоем и живонóснем
Крестé:/ и собрал еси́ язýки в познáние Твое, Влады́ко,// поклоня́ющиеся, Гóсподи,
сла́вному Твоему́ распя́тию.

КАНО́Н МÚЧЕНИКА ПЛАТÓНА, ГЛАС 8:

Припев: Святы́й мúчениче Платóне, моли́ Бóга о нас.

Тропа́рь: Вéчнаго Цáрствия, сла́вне, чистéйшую проходя́ широту́,/ от вся́кия скóрби и
напáстей тесноты́, пою́щия тя спаси́,// невозвратно шéствующия к Небéсней стези́ вво-
дя́.

Припев: Святы́й мúчениче Платóне, моли́ Бóга о нас.

Тропа́рь: Ограждéн благочéстия ору́жием,/ столп незы́блен яв́всья, Платóне,/ все свирепствó
ран претерпéл еси́/ и болéзней тесноты́ подъя́л еси́,// Божéственнойо благодáтию про-
стира́ясь.

Припев: Святы́й мúчениче Платóне, моли́ Бóга о нас.

Тропа́рь: Ю́ношеское показáв противлéние,/ мёртвенную и тлéнную дебéлость страда́нием
отвэ́ргл еси́, всемúдре,// и в нетлéнную рíзу одéясь, ра́дуясь, Влады́це предстои́ши.

Припев: Пресвятáя Богорóдице, спаси́ нас.

Богорóдичен: Воплощённа, Отцу́ Собезначáльна и Соприсносу́щна,/ Единорóдна Сло́ва, пáче умá

родила еси,/ Благословенная Пречистая Богородице./ Сего ради право мудрствующе,// проповедаем Тя и всечестно славим.

КАНОН МУЧЕНИКА РОМАНА, ГЛАС 4:

Припев: **Святый мучениче Романе, моли Бога о нас.**

Тропарь: **Незаходимыми лучами сияя Трбичными ясно/ и со страстотерпческими лики просвещаемь,/ просвещение ми послй, тьму страстную отгоняя// Богоприятными твоими, Романе, молитвами.**

Припев: **Святый мучениче Романе, моли Бога о нас.**

Тропарь: **Моря идольского волнением не обуреваемь,/ яко на Христове камени утвердився,/ треволения разрешил еси// тишиною Божественного Духа многомятежного безбожия.**

Слава Отцу, и Сыну, и Святому Духу.

Тропарь: **Цветник яко благославный и благоплодный,/ Церковь Христову, гобзующу всеми благими, Романе,/ соблюл еси от волков неприступну,// твоим учением утверждая сию.**

И ныне и присно и во веки веков, аминь.

Богородичен: **Помилуася Тобю, Всенепорочная, естество человеческое истинно:/ Творец бо, из Тебе воплотился паче слова и смысла,// за ны на смерть приведеса, избавляя от ада нас.**

КАТАВАСИЯ, ГЛАС 4:

Хор: **Отверзу уста моя,/ и наполнятся Духа,/ и слово отрыгну Царице Матери,/ и явлюся, светло торжествуя,// и воспою, радуясь, Тоя чудеса.**

ПЕСНЬ 3:

КАНОН ВОСКРЕСНЫЙ, ГЛАС 6:

Ирмос: **Несть свят,/ якоже Ты, Господи Боже мой,/ вознесый рог верных Твоих, Блаже,/ и утвердивый нас на камени// исповедания Твоего.**

Припев: **Слава, Господи, святому Воскресению Твоему.**

Тропарь: **Бога распинаема плотию зрящи тварь, растаявашеся страхом:// но содержительною дланию нас ради Распятого, крепко держима бе.**

Припев: **Слава, Господи, святому Воскресению Твоему.**

Тропарь: **Смертию смерть разорена лежит окайнная без дыхания:/ Живота бо не терпящи божественного приражения,// умерщвляется крепкий, и даруется всем воскресение.**

Припев: **Пресвятая Богородице, спаси нас.**

Богородичен: **Божественного рождества Твоего, Чистая,/ всякий естества чин превосходит чудо:/ Бога бо преестеством зачала еси во чреве,// и рождши пребываеши присно Дева.**

КАНОН БОГОРОДИЦЫ ВОСКРЕСНЫЙ, ГЛАС 6:

Припев: **Пресвятая Богородице, спаси нас.**

Тропарь: **Тленную мою плоть и смертную, Всечистая Богомати,/ из чрева Твоего несказанно прием Благий,// и обезтлевив сию, вечно Себе связал есть.**

Припев: **Пресвятая Богородице, спаси нас.**

Тропарь: **Бога воплощаемая из Тебя зряще, Дево, / ужаснулся страхом лица ангельстии, // и яко Матерь Божию немолчными песнями Тя почитают.**

Канон мученика Платона, глас 8:

Припев: **Святый мучениче Платоне, моли Бога о нас.**

Тропарь: **Якоже нетленная искра, в пламень лютой терпеливо, всеблаженне, вшел еси, / благочестия явственнo ревностию распалаемь // и огнем Божественным озаряемь веры.**

Припев: **Святый мучениче Платоне, моли Бога о нас.**

Тропарь: **Победив паче естества демонския слуги, / терпением же крепких мук болезни подъем, / Ангелов ссельник и венценосец явился еси, // Платоне Богомудре блаженне.**

Припев: **Святый мучениче Платоне, моли Бога о нас.**

Тропарь: **На земли за Христа, всеблаженне, подвизався, / Небесныя дары прием, и венцы, от Него приснопробывающия, // в чисте месте рай вселяешия.**

Припев: **Пресвятая Богородице, спаси нас.**

Богородичен: **Двери Света, / светлыми Духа зарями украшена Богомати сущи, / Тобю бо к нам Слово сниде, // просвещающее вся Божественным светом поющия Тя.**

Канон мученика Романа, глас 4:

Припев: **Святый мучениче Романе, моли Бога о нас.**

Тропарь: **Зверя разумнаго прашею убив, Романе, // словеси твоими паству Христову спасл еси от идольскаго вреда нетленну.**

Припев: **Святый мучениче Романе, моли Бога о нас.**

Тропарь: **Возмогая оружием крестным, / прилоги вражия возвратил еси / и немощь их обличил еси, // Романе мудре достоблаженне.**

Слава Отцу, и Сыну, и Святому Духу.

Тропарь: **Низложил еси вражия, сокрушив челюсти Романе славне, // за Христа, блаженне, ланите стружеме, приснопамятне.**

И ныне и присно и во веки веков, аминь.

Богородичен: **Естеством един Бог Слово Отчее и соестественное Духу, / плотию из Тебя одеявся, // земныя обожь, Богомати.**

Катавасия, глас 4:

Хор: **Твоя песнословцы, Богородице, / Живый и Независтный Источниче, / лик себе совокупльшия, духовно утверди, / в Божественней Твоей славе // венцев славы сподоби.**

Ектения малая...

КОНДАК МУЧЕНИКА ПЛАТОНА, ГЛАС 3:

Святая твоя память вселенную веселит,/ созываючи верныя вся в пречестный храм твой,/ идеже ныне, радостию совокупльшися,/ поем в песнях и светлостех./ Сего ради, Платоне, вопием ти:// языческаго нашествия избави град твой, святе.

Икос:

Еллинское оставив все суетство,/ Христовых учеников душеполезная учения возлюби зело Платон Богомудрый./ Тем и явися всем честен,/ яко анкира веры во отечестве,/ егоже и звание яве Анкира именуется./ Добре бо того воспитавшее/ известно покров на враги/ и заступника тепла в ратех обретает всегда, вопиющи:// языческаго нашествия избави град твой, святе.

СЕДАЛЕН МУЧЕНИКА ПЛАТОНА, ГЛАС 8:

Подвигов широтою, мучениче мудре,/ простираяся верою, всеславне,/ вражия, утеснив, козни погубил еси/ и, добре совершив течение Божественное,/ райскую широту, радуяся, достигл еси./ Темже Церковь, пространством благочестия сияющи днесь,/ празднует память твою и вопиет ти, блаженне:/ моли Христа Бога грехов оставление даровати// чтущим любовь святую память твою.

Слава Отцу и Сыну и Святому Духу.

СЕДАЛЕН МУЧЕНИКА РОМАНА, ГЛАС 4:

Постнически лукаваго поправ/ и страдальчески, мучениче Христов, прославился еси,/ претерпев мужески совершенным умом./ Темже причтался еси ликом мученическим/ и вечнующее Царство стяжал еси;/ в немже ликуя, помяни нас,// совершающия верою память твою.

И ныне и присно и во веки веков. Аминь.

БОГОРОДИЧЕН ИЗ МИНЕИ, ГЛАС 4:

По Бозе в Твой, Богородице, прибегаю смиренный покров Божественный,/ припадая, молюся:/ помилуй, Пречистая,/ яко превзыдоша главу мою греси,/ и боюся, Владычице, муки, и трепещу,/ моление сотвори, Чистая, к Сыну Твоему// от сих избавити мя.

ПЕСНЬ 4:

КАНОН ВОСКРЕСНЫЙ, ГЛАС 6:

Ирмос: Христос моя сила,/ Бог и Господь,/ честная Церковь/ Боголепно поет, зываючи,// от смысла чиста о Господе празднующи.

Припев: Слава, Господи, святому Воскресению Твоему.

Тропарь: Древо процвело есть, Христе, истинная жизни:/ крест бо водрузился,/ и напоен быв кровию и водою от нетленного Твоего ребра,// живот нам прозябе.

Припев: Слава, Господи, святому Воскресению Твоему.

Тропарь: Не ктому змии мне ложне обожение подлагает:/ Христос бо богоделатель человеческого естества,// ныне невозбранно стезю живота мне отверзе.

Припев: Пресвятая Богородице, спаси нас.

Богородичен: Яко воистинну неизвещанна и непостижима, / яже Твоего боголепного, Богородице, суть рождества, // сущим на земли и на небеси, Приснодево, таинства.

Канон Богородицы воскресный, глас 6:

Припев: Пресвятая Богородице, спаси нас.

Тропарь: Поём, Пречистая, Тебе Всенепорочную, / иже Тобю спасшиися, / и благочестно поюще взываем: // благословенна, яже Бога, Приснодево, рождающая.

Припев: Пресвятая Богородице, спаси нас.

Тропарь: Свет незаходимый, Дево, родила еси, / сущим во тьме жития, / плотию светящ, Всеблаженная, и поющим Тя, // радость, Приснодево, источила еси.

Канон мученика Платона, глас 8:

Припев: Святой мучениче Платоне, моли Бога о нас.

Тропарь: Растворився весь любовью Создателя твоего, / не чувствовал еси болезней телесных, / страстныя плоти мертвенныя и кожныя ризы совлекся // и целомудрия и спасения одеваяся, Платоне, ризою.

Припев: Святой мучениче Платоне, моли Бога о нас.

Тропарь: Священноделатель Божественный явился еси, / яко непорочно овча, мужеский пол и совершенное всесожжение, мучениче, / тебе самого за всех закалаемому Христу принёс, Избавителю, / душу бо разжег Владычнейю любовью, // о сожигаемой плоти небрег еси.

Припев: Святой мучениче Платоне, моли Бога о нас.

Тропарь: Юноши три, сущия в Вавилоне, подражая, / всеядца огня не убоился еси, / но крепко и юношески того претерпев пламень нестерпный. // Темже ты Росодавец со оными достойно прият в чертог славы.

Припев: Пресвятая Богородице, спаси нас.

Богородичен: Яко из корене царскаго сущи, / всеми владычествующаго, Слово Божие родила еси нам, / плоть бывша и пребывша непременна. // Темже Ты Богородицу, истинно и господственно, всевятая Дево, славим.

Канон мученика Романа, глас 4:

Припев: Святой мучениче Романе, моли Бога о нас.

Тропарь: Направляемь, яко лествицею, / на древо вознелся еси, блаженне, неизглаголанною добротою // и пребывающий лик постигл еси, мучениче Романе достославне.

Припев: Святой мучениче Романе, моли Бога о нас.

Тропарь: Совлекся мертвенныя одежды в муках, блаженне, / и спасения в светлую ризу // светло, всеславне мучениче Романе, облеклся еси.

Слава Отцу, и Сыну, и Святому Духу.

Тропарь: Умудрився вдохновением Утешителя, отрочища язык / Тя, Господа славы, Творца проповеда всех, Человеколюбче, // и Бога, спасти могущаго.

И ныне и присно и во веки веков, аминь.

Богородичен: **Благословѣн, Дѣво, Плод Твоего чрева,/ Ёмже избавихомся клятвы смертныя, вся отечества языков,// и Тобю благословѣннии яко жизни поём Тя Ходатаицу.**

КАТАВАСИЯ, ГЛАС 4:

Хор: **Седяй в Славе/ на Престоле Божества/ во облаце легце,/ прииди Исус Пребожественный,/ Нетленною Дланию/ и спасе зовущия:// слава, Христѣ, силе Твоей.**

ПЕСНЬ 5:

КАНОН ВОСКРЕСНЫЙ, ГЛАС 6:

Ирмос: **Божиим/ светом Твоим, Блаже,/ утреннюющих Ти души/ любовью озарй, молюся,/ Тя ведети, Слове Божий,/ истиннаго Бога,// от мрака греховнаго зывающа.**

Припев: **Слава, Господи, святому Воскресению Твоему.**

Тропарь: **Уступают мне херувими ныне,/ и пламенное оружие, Владыко, плещи мне даёт,/ Ты видевше, Слове Божий, истиннаго Бога,// разбойнику путь сотворшаго в рай.**

Припев: **Слава, Господи, святому Воскресению Твоему.**

Тропарь: **Не ктому боюся, еже в землю, Владыко Христѣ, возвращения:/ Ты бо от земли мя возвел еси забвенна,/ благоутробия ради многаго,// к высоте нетления воскресением Твоим.**

Припев: **Пресвятая Богородице, спаси нас.**

Богородичен: **Иже Богородицу Тя от души, Владычице мира благая,/ исповедающих спаси:/ Тебе бо предстательство непоборимое имамы,// истинную Богородительницу.**

КАНОН БОГОРОДИЦЫ ВОСКРЕСНЫЙ, ГЛАС 6:

Припев: **Пресвятая Богородице, спаси нас.**

Тропарь: **Чистотою возсиявши светло,/ Божественное пребывание Владыки, Всепетая, была еси./ Ты бо едина Мати Божия явилася еси,// во объятиих, яко младенца, Сего носивши.**

Припев: **Пресвятая Богородице, спаси нас.**

Тропарь: **Носящи доброту умную, краснейшая Твоя душа,/ Невеста Божия была еси,/ запечатствована девством, Чистая,// и светом чистоты мир просвещаящи.**

КАНОН МУЧЕНИКА ПЛАТОНА, ГЛАС 8:

Припев: **Святой мучениче Платоне, моли Бога о нас.**

Тропарь: **Дремания твоим вѣдом/ и сна твоим очесем не дал еси, мучениче,/ дондеже сном блаженным/ и подобным, Бога любящим, любезным уснул еси, блаженне,// мечем во главу усекаемь.**

Припев: **Святой мучениче Платоне, моли Бога о нас.**

Тропарь: **Якоже в чуждем телеси, всеблаженне, страда, подвизался еси,/ яко страждущим иным видец быв, ты пострадал еси,/ Божественным бо рачением разжгся,// предлежащих мук не убоялся еси, славне.**

Припев: **Святой мучениче Платоне, моли Бога о нас.**

Тропарь: **Богатство обрел еси неотъемлемо/ и славу неувядную, в Небесных обителях со Ангелы ликовствуя// и нетленнаго безсмертия в причащении быв, всеизящнейше.**

Припев: **Пресвятая Богородице, спаси нас.**

Богородичен: Разрешение грехов Твоими молитвами подаждь рабom Твоим,/ избавляющи тья искушений, и бед, и скорбей, и хульных еретиков одержания,// Дево Богородице Всепетая.

Канон мученика Романа, глас 4:

Припев: **Святый мучениче Романе, моли Бога о нас.**

Тропарь: Струями страдальческими кровей твоих потопил еси море безбожия,// реки же исцеления, Романе, источил еси.

Припев: **Святый мучениче Романе, моли Бога о нас.**

Тропарь: Яко дар избранный, жертву яко непорочно, принесл еси Владыце, Романе,// Богословствующаго младенца закалаема.

Слава Отцу, и Сыну, и Святому Духу.

Тропарь: Юродство вражие мудростию Святаго Духа уязвил еси,// уязвив твоё тело ранами, Романе всеславне.

И ныне и присно и во веки веков, аминь.

Богородичен: Потребила еси клятву, яко радость рождши,/ и обновила еси человеки Твоим Рождеством,// Дево Марие Неискусобрачная.

Катавасия, глас 4:

Хор: Ужасошася всяческая/ о Божественней славе Твоей:/ Ты бо, Неискусобрачная Дево,/ имела еси во утробе над всеми Бога/ и родила еси Безлетнаго Сына,/ всем воспевающим Тя// мир подавающая.

Песнь 6:

Канон воскресный, глас 6:

Ирмос: Житейское море,/ воздвигаемое зря напастей бурей,/ к тихому пристанищу Твоему притек, вопию Ти:/ возведи от тли живот мой,// Многомилостиве.

Припев: **Слава, Господи, святому Воскресению Твоему.**

Тропарь: Распинаемь, Владыко, гвоздми убо,/ клятву юже на нас потребил еси:/ копием же прободаемь в ребро,// адамово рукописание растерзав, мир свободил еси.

Припев: **Слава, Господи, святому Воскресению Твоему.**

Тропарь: Адам низведеса, лестию запят быв, ко адове пропасти:/ но иже естеством Бог же и милостив,/ шел еси на взыскание,// и на раму понес, совоскресил еси.

Припев: **Пресвятая Богородице, спаси нас.**

Богородичен: Пречистая Владычице,/ рождающая человеком кормчию Господа,/ страстей моих непостоянное и лютое утоли смущение,// и тишину подаждь сердцу моему.

Канон Богородицы воскресный, глас 6:

Припев: **Пресвятая Богородице, спаси нас.**

Тропарь: Великий преднаписа во пророцех Моисей Тя,/ ковчег, и трапезу, и свещник, и

ручку,/ образно назнаменуя воплощение,// еже из Тебѣ Вѣшняго, Мати Дѣво.

Припев: Пресвятая Богородице, спаси нас.

Тропарь: Умерщвляется смерть, и тлѣние упражняется/ Адамова осуждения, о Владычице!/ Плодѹ Твоемѹ приразившееся:/ Жизнь бо родила еси,// от ислѣния избавляющую поющих Тя.

Канон мученика Платона, глас 8:

Припев: Святыи мучениче Платоне, моли Бога о нас.

Тропарь: Вѣвши страстей и мук быв,/ плоти отсечения претерпел еси, славне,// Христа бо помощника и содѣтеля имѣл еси и споспешника. *(Дважды)*

Припев: Святыи мучениче Платоне, моли Бога о нас.

Тропарь: Душевным разумом благолепие Создателя взирая всегда/ и созерцая доброту неизреченную,// видимых худость небрегл еси.

Припев: Пресвятая Богородице, спаси нас.

Богородичен: Яко одушевленный кивот, Законодательница вместила еси,/ якоже храм святыи, прияла еси Святаго, быша Человека,// на благодеяния человеков, Всеблаженная.

Канон мученика Романа, глас 4:

Припев: Святыи мучениче Романе, моли Бога о нас.

Тропарь: Мертвость и тлю строганием отложив,/ жизни нетленные в доброту одевая, мучениче,// украшен светлостью, Романе, духовными, незаходящими.

Припев: Святыи мучениче Романе, моли Бога о нас.

Тропарь: Источив яко кровныя токи учения отрезанный твой язык,/ иже непогибающее наследовал еси, страстотерпче, блаженство,// присно пребывающе.

Слава Отцу, и Сыну, и Святому Духу.

Тропарь: Премудрости поток жаждая,/ испил еси советом рождшия уста Богословна младенца,// мечем к жизни пришедша некончаемей.

И ныне и присно и во веки веков, аминь.

Богородичен: Скорое прибежище буди мне, Пречистая,/ насилья избавляющи мя, и страстнаго студа изымающи,// и к Божественней стези направляющи, Богомати.

Катавасия, глас 4:

Хор: Божественное сие и всечестное/ совершающе празднество,/ Богомудрии, Богоматере,/ придите, руками восплещим,// от Нея рождагося Бога славим.

Ектенія малая...

Кондак воскресный, глас 6:

Живоначальною дланию/ умершия от мрачных удолий,/ Жизнодавец воскресив всех Христос Бог,/ воскресение подаде человеческому роду:/ есть бо всех Спаситель,// Воскресение и Живот, и Бог всех.

Икос:

Крест и погребение Твое, Жизнодавче, воспеваем вернии, и поклоняемся,/ яко ад

связа́л еси́, Безсме́ртне, я́ко Бог всеси́льный:/ и ме́ртвыя совоскреси́л еси́, и врата́ сме́ртная сокруши́л еси́,/ и держа́ву а́дову низложи́л еси́, я́ко Бог./ Те́мже земноро́днии славосло́вим Тя любо́вию, воскресе́шаго,/ и низложи́вшаго вра́жю держа́ву всепа́губную,/ и всех воскреси́вшаго в Тя ве́ровавших,/ и мир избáвльшаго от стрел зми́йных,// и от преле́сти вра́жия, я́ко Бог всех.

ПЕСНЬ 7:

КАНО́Н ВОСКРЕ́СНЫЙ, ГЛАС 6:

Ирмо́с: **Росода́тельну́ убо пещь/ содела́ Ангел/ преподо́бным отроко́м,/ халде́и же опаля́ющее/ веление́ Бо́жие/ мучи́теля увеща́ вопи́ти:// благослове́н еси́, Бо́же оте́ц на́ших.**

Припев: **Сла́ва, Го́споди, свято́му Воскресе́нию Твоему́.**

Тропа́рь: **Рыда́ющее во стра́сти Твое́й со́лнце, во мрак облече́ся,/ и во дни по всей, Влады́ко, земли́ свет поме́рче, вопи́я:// благослове́н еси́ Бо́же оте́ц на́ших.**

Припев: **Сла́ва, Го́споди, свято́му Воскресе́нию Твоему́.**

Тропа́рь: **Облекóшася Христé схожде́нием Твои́м во свет преиспо́дняя,/ праоте́ц же весели́я испо́лнь, яви́ся ликовству́я, взыгра́ся, вопи́я:// благослове́н еси́, Бо́же оте́ц на́ших.**

Припев: **Пресвята́я Богоро́дице, спаси́ нас.**

Богоро́дичен: **Тобо́ю, Ма́ти Де́во,/ свет возсия́ всей вселе́нней све́тлый:/ Зижди́теля бо Ты всех родила́ еси́ Бо́га,/ Его́же проси́, Всечи́стая,// нам низпосла́ти ве́рным ве́лию ми́лость.**

КАНО́Н БОГОРО́ДИЦЫ ВОСКРЕ́СНЫЙ, ГЛАС 6:

Припев: **Пресвята́я Богоро́дице, спаси́ нас.**

Тропа́рь: **Ю́нош триех пещь не опали́, рождество́ прообразу́ющих Твое́:/ божество́нный бо огонь Тебе́ не опали́в, всели́ся в Тя,/ и вся научи́ вопи́ти:// благослове́н еси́, Бо́же отец на́ших.**

Припев: **Пресвята́я Богоро́дице, спаси́ нас.**

Тропа́рь: **Блажа́т концы́ Тя, Всечи́стая Ма́ти, я́коже проре́клá еси́,/ просвещáеми светолу́чными сия́ньми Твои́ми,/ и благода́тию пою́ще, вопи́ют:// благослове́н еси́, Бо́же отец на́ших.**

КАНО́Н МУ́ЧЕНИКА ПЛАТÓНА, ГЛАС 8:

Припев: **Святы́й му́чениче Платóне, моли́ Бо́га о нас.**

Тропа́рь: **Закóнно пострада́вша и враги́ тво́я попра́вша,/ победы́ венце́м Законополо́жник тебе́ венча́,/ велегла́сно вопи́ющая и глаго́люща:// благослове́н еси́, Бо́же оте́ц на́ших.**

Припев: **Святы́й му́чениче Платóне, моли́ Бо́га о нас.**

Тропа́рь: **Преста́вился еси́, раду́ясь, к присножелáнному тебе́ дрéвлю,/ Его́же пречи́стей стра́сти, спасе́ния челове́ком вино́е бы́вшей, подража́я, пел еси́:// благослове́н еси́, Бо́же оте́ц на́ших.**

Припев: **Святы́й му́чениче Платóне, моли́ Бо́га о нас.**

Тропа́рь: **Удиви́шася вся Небе́сныя си́лы терпéнию твоего́ страда́ния/ и челове́цы, тогда́**

зрящи./ Преестественно бо вопиял еси, секомый:// благословен еси, Бже отец наших.

Припев: Пресвятая Богородице, спаси нас.

Богородичен: Избавляеми, Пречистая, Божественным Рождеством девства Твоего/ уз смертных и клятвы первозданного Адама,/ Тя, Богородицу, мудрствующе, зовем:// благословен Бог отец наших.

КАНОН МУЧЕНИКА РОМАНА, ГЛАС 4:

Припев: Святой мучениче Романе, моли Бога о нас.

Тропарь: Удавлением твоим, страстотерпче, удавив змия,/ обрел еси жизнь истинно, преславне Романе, зовый всегда:// благословен еси в храме славы Твоей, Господи.

Припев: Святой мучениче Романе, моли Бога о нас.

Тропарь: Света незаходимого лучами озаряемь,/ пламень высокий угасил еси, Романе,/ пророческим дарованием украшаемь/ и с мученическими лики сочетаемь, зовый:// благословен еси в храме славы Твоей, Господи.

Слава Отцу, и Сыну, и Святому Духу.

Тропарь: Яко от сада многоцветного, матерними учении,/ шипок благовонный, младенческий возраст,// мученическою кровию напаяемь, Христу нетленно приносится.

И ныне и присно и во веки веков, аминь.

Богородичен: Впадшия во глубину греховную, Всепетая,/ единая Бога рождающая без семени,/ изведи ны, поющая Тя:// благословенна Ты в женах, Всенепорочная Владычице.

КАТАВАСИЯ, ГЛАС 4:

Хор: Не послужиша твари Богомудрии/ паче Создавшего,/ но, огненное прещение мужески поправше,/ радовахуся, поюще:// препетый отец Господь и Бог, благословен еси.

ПЕСНЬ 8:

КАНОН ВОСКРЕСНЫЙ, ГЛАС 6:

Ирмос: Из пламене преподобным росу источил еси,/ и праведного жертву водою погасил еси:/ вся бо творishi, Христе, только еже хотети.// Тя превозносим во вся веки.

Припев: Слава, Господи, святому Воскресению Твоему.

Тропарь: Иудейския древле пророкоубийцы люди,/ богоубийцы зависть ныне содела,/ Тебе на крест вознесшия, Слово Божий:// Егже превозносим во вся веки.

Припев: Слава, Господи, святому Воскресению Твоему.

Тропарь: Небесного круга не оставил еси,/ и во ад сошед, всего совоздвигл еси/ лежащего во гнобищи, Христе, человека,// Тя превозносяща во вся веки.

Припев: Пресвятая Богородице, спаси нас.

Богородичен: От Света Светодавца Слова зачала еси,/ и рождши неизреченно Сего, прославилася еси:/ Дух бо в Тя, Отроковице, Божий вселися.// Темже Тя поем во вся веки.

Канон Богородицы воскресный, глас 6:

Припев: **Пресвятая Богородице, спаси нас.**

Тропарь: **Позлащеною ризою, якоже Царицу, Сын Твой просветив зарю Духа,/ Тебе одесную Себе постави, Пречистая:// Егоже превозносим во вся веки.**

Припев: **Пресвятая Богородице, спаси нас.**

Тропарь: **Иже хотением единым мир водрузивый,/ от пречистыя Твоея утробы плоть вземлет,/ свыше сию наздати хотя:// Егоже превозносим во вся веки.**

Канон мученика Платона, глас 8:

Припев: **Святый мучениче Платоне, моли Бога о нас.**

Тропарь: **Светлыми подвиги убо подвижался еси, всехвальне,/ светлейше же много славы Христос тебе дарова и вечно пребывающее,/ в Небесныя ты обители вселив, усердно песнопойща:// священницы, воспойте, людие, превозносите Христа во веки.**

Припев: **Святый мучениче Платоне, моли Бога о нас.**

Тропарь: **Яко молебника вернейша,/ яко предстателя теплейша/ Всецарю и Творцу твари, ты ныне предлагаем;/ за ны молися, мученическим твоим дерзновением ходатайствуя о хвалящих тя/ и верно песнопойщих:// людие, превозносите Христа во веки.**

Припев: **Святый мучениче Платоне, моли Бога о нас.**

Тропарь: **Прийти сподобился еси Царство Недвижимое твоею детельною верою,/ яко тебе дати обеща нелживый Бог,/ за Негоже тело и огню и мукам предал еси, зовый:// священницы, воспойте, людие, превозносите Христа во веки.**

Припев: **Пресвятая Богородице, спаси нас.**

Богородичен: **Слова Божия, безначальнаго и Отцу сразумеваемаго,/ из не сущаго Отчим советом все составившаго, Боголепно родила еси,/ плоть бывша ради нас, человеков./ Тем Тя, Богородицу, православно мудрствующе,// Христа превозносим во веки.**

Канон мученика Романа, глас 4:

Припев: **Святый мучениче Романе, моли Бога о нас.**

Тропарь: **Глаголов послушник Христовых был еси, славне,/ душу твою положив за паству твою,/ усердно за Него удавляемь, мучимь, и стружемь, и ураняемь, вопиял еси:// благословите вся дела Господня Господа. *(Дважды)***

Благословим Отца, и Сына, и Святаго Духа, Господа.

Тропарь: **Воистинну уста твоя и язык радости и веселия исполнися,/ благословя Бога непрестанно:/ отрезан бо и кровию капля,/ закон веры нам, Романе, полагает, вопия:// благословите вся дела Господня Господа.**

И ныне и присно и во веки веков, аминь.

Богородичен: **Слово рождши Отчее Божественным Духом,/ Дева пребыла еси, Богородительнице безмужная,/ превозшедши естественныя законы рождеством Твоим./ Темже, радуешься, поем:// благословите вся дела Господня Господа.**

Катавасия, глас 4:

Хор: **Хвалим, благословим, поклоняемся Господеви, поюще и превозносяще во вся**

вѣки.

Отроки благочестивыя в пещи/ Рождество Богородичо спасло есть;/ тогда убо образуемое,/ ныне же действующее,/ вселенную всю воздвизает пети Тебе;/ Господа пойте, дела,// и превозносите Его во вся вѣки.

Диакон: Богородицу и Матерь Свѣта в пѣснях возвеличим.

ПЕСНЬ ПРЕСВЯТОЙ БОГОРОДИЦЫ:

Хор: Величит душá Моя Господа,/ и возрадовася дух Мой о Бóже Спасе Моём.

Честнѣйшую Херувим/ и Слáвнейшую без сравнѣния Серафим,/ без ислѣния Бóга Слóва рóждшую,/ сущую Богородицу, Тя величаём.

Яко призрѣ на смиреніе рабы Своея,/ се бо от ныне ублажат Мя вси рóди.

Честнѣйшую...

Яко сотвори Мне величіе Сильный,/ и свято Ёмя Его, и мѣлость Его в рóды родóв боящимся Его.

Честнѣйшую...

Сотвори держáву мышцею Своею,/ расточи гóрдыя мѣслию сѣрдца их.

Честнѣйшую...

Низложи сильные со престóл, и вознесѣ смиренныя;/ áлчущія испóлни благ, и богатыяся отпусти тщи.

Честнѣйшую...

Восприят Израїля óтрока Своего, помянути мѣлости,/ якоже глагола ко отцём нашим, Авраáму и сѣмени его, да́же до вѣка.

Честнѣйшую...

ПЕСНЬ 9:

КАНО́Н ВОСКРЕ́СНЫЙ. ГЛАС 6:

Ирмос: **Бóга/ челове́ком не возмо́жно видети,/ на Него́ же не смѣют чѣни А́нгельстии взирáти;/ Тобóю бо, Всечѣстая, явѣся челове́ком/ Слóво воплощённо,/ Его́ же велича́юще,/ с Небѣсными вóи// Тя ублажаём.**

Припев: **Слáва, Господи, свято́му Воскресѣнию Твоему́.**

Тропарь: **Страстѣй неприча́стен Ты пребѣл еси́, Слóве Бóжий,/ плóтию приобщѣвся страстѣм:/ но решиши от страстѣй челове́ка,/ страстѣм быв страсть, Спасе наш:// едѣн бо еси́ безстра́стен, и всесѣлен.**

Припев: **Слáва, Господи, свято́му Воскресѣнию Твоему́.**

Тропарь: **Тлю смѣртную приѣм, тлѣния соблюл еси́ тѣло Твое невкусно,/ Твоя́ же животворя́щая и божѣственная, Влады́ко, душá, во áде не оста́влена бысть:// но якоже от сна воскрес, нас совоздвѣгл еси́.**

Припев: **Пресвятáя Трóице, Бóже наш, слáва Тебѣ.**

Трóичен: **Бóга Отца́, Сы́на собезначальна,/ вси челове́цы устнами́ убо чистыми́ слáвим,/ неизреченную́ же и преславную́ Дúха Всесвятаго́ силу́ чтим:// едина́ бо еси́ всесильная́ Троица неразлучная́.**

КАНОН БОГОРОДИЦЫ ВОСКРЕСНЫЙ, ГЛАС 6:

Припев: Пресвятая Богородице, спаси нас.

Тропарь: Звезда сияющи зарями Божества от Иакова, / от мрака содержимым возсия: / Тобою бо, Всечистая, Христос Бог Слово воплощено: // Имже просвещаемы, с небесными вои Тя ублажаем.

Припев: Пресвятая Богородице, спаси нас.

Тропарь: Укреплься силою Твоею и благодатию, / Тебе песнь усердно от сердца возложих: / но сию приими, Дево Чистая, / благодать воздающи Твою многосветлую, // от нетленных сокровищ, богоблаженная.

КАНОН МУЧЕНИКА ПЛАТОНА, ГЛАС 8:

Припев: Святой мучениче Платоне, моли Бога о нас.

Тропарь: Приидите убо, Боговенчанного, мучениколюбцы, воспойм мученика, / простершаго благочестие своего рождия: / ибо лозы жизни сад быв, плод износит, // умиления нам вино точащий.

Припев: Святой мучениче Платоне, моли Бога о нас.

Тропарь: Честна пред Богом мученическая явися смерть, / присносущныя бо и негиблемыя бываает Ходатай истинныя жизни // и жребий нетленный, и славу безсмертную, и богатное подаёт воздаяние.

Припев: Святой мучениче Платоне, моли Бога о нас.

Тропарь: Всю твою жизнь, мучениче, Вседержителю Богу освятил еси / и, яко благоугодну, живу жертву, тебе самого, радуясь, принёсл еси. / Тем сладости сущия паче ума яве сподобился еси, // но моли избавитися искушений поющим тя.

Припев: Пресвятая Богородице, спаси нас.

Богородичен: Спаси мя, Мати Божия, / рождающая Христа Спаса моего, Бога и Человека, / сугуба естеством, но не Ипостасию: / Единородна убо из Отца, / из Тебе же перворождена всей твари. // Темже Тя вси присно величаем.

КАНОН МУЧЕНИКА РОМАНА, ГЛАС 4:

Припев: Святой мучениче Романе, моли Бога о нас.

Тропарь: Все твоё желание, мучениче, ко Владыце простерл еси / и, многовидныя раны претерпев, Романе славне, / славы неизглаголанная получил еси // и блаженного наслаждения. *(Дважды)*

Слава Отцу, и Сыну, и Святому Духу.

Тропарь: Се, вместо болезни сладость тебе потока дадеся, мучениче, / венец носящу ти, Романе, / и от крове багрянницу имущу: / яко шипок благоухающ и неувядающ, // младенец заклан был еси Христа ради.

И ныне и присно и во веки веков, аминь.

Богородичен: Ты началородительныя клятвы земныя, Дево, избавила еси / и отверзла еси нам жизнь Едема Рождеством Твоим паче естества. // Темже, веселящися, Тя, Богородице, величаем.

КАТАВА́СИЯ, ГЛАС 4:

Хор: **Всяк земнорóдный/ да възгра́ется, Дúхом просвещáемь,/ да торжествúет же Безплóтных умóв естество́,/ почита́ющее священное торжество́ Богомáтере,/ и да вопи́ет:/ рáдуйся, Всеблаже́нная,// Богорóдице, Чíстая Присноде́во.**

ЕКТЕНИ́Я МА́ЛАЯ...

Диáкон: Свят Госпóдь Бог наш

ЕКСАПОСТИЛА́РИЙ ВОСКРЕ́СНЫЙ ПÉРВЫЙ:

Со ученикí възьдем на гóру Галиле́йскую,/ véрою Христá видети/ глаго́люща власть при́яти вь́шних и нíжних, научímся:/ кáко учíт крещáти во íмя Отцá, и Сýна, и Свята́го Дúха, язýки вся,// и пребывáти с тайнники, я́коже обеща́ся, до скончáния вéка.

Слáва Отцú и Сýну и Свято́му Дúху.

СВЕТИ́ЛЕН МúЧЕНИКА ПЛАТÓНА:

Жесто́кую шéствовал есí в путéх Божéственную стезю́,/ к широтé возшéл есí Небéснаго Цáрствия, Платóне, мúчеников слáво,/ свéтом сия́я нетлénныя Трóицы./ Тёмже, слáве непрестаю́щей причáщся,// чтúщия тя помянí.

И ны́не и прíсно и во вéки векóв. Амíнь.

БОГОРÓДИЧЕН ВОСКРЕ́СНОГО ЕКСАПОСТИЛА́РИЯ:

Со ученикí рáдовалася есí, Богорóдице Дéво,/ я́ко Христá видела есí воскрéсшаго от грóба триднёвна, я́коже рече́:/ íмже и явíся, научáя и явля́я лúчшая,/ и крещáти во Отцé, и Сýне, и Дúсе повелева́я,// ёже véровати нам Тогó востáнию, и слáвити Тя, Отрокови́це.